

# LA RAMASSA

GIORNAL SATIRIC NISSART

PAREISSEN LOU DEMENIGHE

Conierge e garsoun de bureu  
**M. SALVONI**  
L'ITALIANISSIMO

BUREU DE LA REDASSION  
14, Rue Penchienatti  
NICE

DIRETTOUR POLITIC:  
**M. LAID-ROLE**  
dit MON CHER AMI

ABONAMEN  
Un an ..... 6 fr.  
Six mois ..... 3 »  
Trois mois.... 2 »

RÉDACTEUR EN CHEF  
**CICCARDI**  
dit AGNUS DEI, etc.

## NISSART!

Dimeneghe che ven aneres voutà.

Es dounca lou momen de you rappelà :

1º Che Sauvan ha refusat a la giouinessa de San Felip de dansà un dimeneghe de mai en meme tem che accordava achela favour aux *Employés de Commerce*.

2º Che ha faç tout li favour ai Bourriounista de Magnan e de la Madalena e absoulamen ren per lu ansien pebrista dei meme cartiè che han voutat per eu.

3º Che ha refusat a la giouinessa de la Buffa la permission de faire dansà lou 14 giujet, tout en l'acordan en d'agent életoural.

4º Che ha divisat lu abitant de San Roman en doui camp a l'occasion dooù festin.

5º Che ha desplassat la festa a Sant Isidoro per contrarià un aubergista indipendent.

6º Che la giustissia ha una plenta contra d'eu per havé disposat de l'argen dei paure per lou dounà ai sieu Turcos.

7º Che ha refusat la permission de faire un festin a la plassa d'arma perché lou President era pa dei sieu amic.

## NISSART !!!

Toui achelu maufaç soun stat coumes per *Sauvan* lou Provensau pandan lu tre mes ch'es stat Mera.

Aven faç lou nouastre never en vou signalan senche venès de legi. A vautre de rampli lou vouastre, en fen una propaganda acciarnada contra Sauvan d'achi a dimeneghe che ven.

LA REDASSION.



## Doui sou de Politica

*Mestre Giacoumin.* — Che vai diç che lu nissart soun pas mestre de si ciausiu un candidat ?

Aves vist esta semana toui lu giornal dou Risi, sench'hon imprimat ?

*Beri,* es un pilié de monopole !

*Beri,* es un carbounié che accapara tout !

*Beri* aussi, *Beri* ajà, *Beri* d'amoun e *Beri* davau !

E ben tout acò non soun che de mensonega, la verità es achela : *Beri* es un bouon e brave nissart, giouve, istruit onest avan tout, e sighe couma ansiun adjoint e comte Consejé Genéral ha donat prova de li sieu auti capacità administrativi, de devounamen al sieu pais e si compouarta degnamen enver cu l'approcchia, sighe paure e sighe ric. Lu sieu enemic soun presche touide gavouat e *tanto basta* !

*Mestre Tita.* — Capissi, che si garderan ben de dire lou but che pourvouin ?

*Giacoumin.* — Ma cu sau, a Nissa, senche lou noum de la famijà *Beri* significa ? Per touplen, es lou simbole de l'onestetà, dei prinssipi republichen e de l'amour de la Fransa.

E en effet, es che n'es passat de cantità d'ome couma lou paire *Beri*, en la noustra bouana villa che aigoun laissat, couma isemple a li nouastri generassioun tout un passat d'intégrité e d'opinion politichi inebranablì ?

Souta Napoleon, faija partida d'un group republicain che s'era costituat per combattre lu *Sauvan* (pero doou Nistou che era lou plus fier Bouanapartista et lou plus gran accaparur).

*Tita.* — Acheu, voui, ch'era tougiou stat un'ome de monopole ? e la prova ch'ha laissat una fourtuna, assé ronda...

*Giacoumin.* — E ben lou pere *Beri*, era un comersant gran enemic d'acheli gen, che non vouloun che tout per elu.

Lu enfan Edouard e Henry soun stat aleyat embè li même idea e en plassa s'anà fici en li grandi sossièta, han continuat lou coumers paternel dei oli e apres ancreat un negoçie de carboun. Per achela creassion, Edouard s'es assosiat, emb'un enfan Durandi. E ben ni ha assé per faire dire a li fueja dou Risi, che Edouard es l'ome dei monopole !

Ma se un'argumen coumaache, sighesse admés, pourrion prova che plus au men, toui lu candidat en pre-

sensa, soun egalamen lu ome dei monopole.

Achi aves Sauvan ch'es un gran assionari de la compagnia dou Gaz e d'achela de li aiga — (es per acò che per favorisà achela compagnia dou n'en fa part, coura era mera provisori, ha sercat de nen faire empousounà embe li aiga pouiridi de la Vesubia) — Salvi, lou notari de la Caissa de Credi e dou Casino. Orizet, un fourat assionari dou Casino.

*Tita.* — Senza cuntà lu autre ?

*Giacoumin.* — La plu bouona rason che si poû faire ressorti che Edouard *Beri*, negossiant, ha ren a faire embe Edouard *Beri* ome politic.

E la prova es fassila a faire : che voou dire ch'au Consej General, *Beri* fa partida de la minorità ? Sepandan, s'es tan amic embe Durandi père deuria marcià embe la majorità creada e entrellenguda per Durandi, che dou restà es estat president d'achela assemblada pendan de longhi anada.

*Tita.* — Acò es giust ; ma che vous les lu *Risista* applicoun achen proverbi : « Coura voulés tuò lou vouastre can, n'aves ch'a dire ch'es enrabiati. »

Es ben elu che lou calounniou embe la chestiou de la *camoura*, ma adaise, fraire, lu Nissart de la villa e de la campagna retendran, per lou 11 Ottobre che ven ché achela gherra deloujalà es faccia per lu gavouat a Edouard *Beri*, che sera besai lou segount mera nissart pur sanc'e che aurian despi 30 an, car lu autre soun toui stat de gavouat d'origina : Malaussena, Raynaut, Bourrioun, etc., etc., e Sauvan ch'es un gavouat provençal de la *Couala*, un mangiaire de *soufassun*, de *ravanassou*, e de tourta de cougourda.

Per stenographia conforma.

LOU SOULITARI DE ST-ROCH.

## Petite Correspondance

*B. à la Vespa.* — Sies enfousat, caro amic, d'espich'un giornal douna d'espessa de rima nissardi d'un nouveu gianré, de vers pu lone che un verp solitari, lu tieu bei Allessandrini, achelu vers eroic, non soun plus a la moda.

*Paire Rancher*, paure *Martin Seytow*, paure *Guisol* e tu paure enfan d'*Euterpe* et de *Calioppe*, has beu de tan en tan l'anà refrescà lou bec a la fount d'*Hypocrène*, ch'es couma se t'anesses un pou amourrà en una